

乙籤八十三張說之五

唐音統籤卷七十一

五言排律

奉和聖製千秋節宴應制

五德生王者千齡啓聖人
赤光來照夜黃雲上覆
晨海縣銜恩久朝章獻壽新
高居帝座出夾道衆
官陳樂杖洗清景磬管凝秋
旻珠囊含瑞露金鏡
抱仙翰何歲無鄉飲何田
不報神薰歌與名節傳
代幸羣臣

奉和聖製春中興慶宮酺宴應制

千齡逢啓聖萬域共來威
慶接郊禋後酺承農事

稀御樓橫廣路天樂下重闌鸞鳳調歌曲虹霓動
舞衣合聲雲上聚連步月中歸物覩恩無外神和
道入微鎬京陪樂飲相殿奉文飛徒竭秋雲影何
資春日暉

奉和聖製寒食作應制

寒食春過半花穠鳥復嬌從來禁火日曾接清明
朝鬪敵雞殊勝爭毬馬絕調晴空數雲點香樹百
風搖改木迎新燧封田表舊燒皇情愛嘉節傳曲
與簫韶

奉和聖製喜雪應制

聖德與天同封巒欲報功詔書期日下靈感應時
通觸石雲呈瑞含花雪告豐積如沙照月散似麴
從風舞集仙臺上歌流帝樂中遙知百神喜灑路
待行宮

奉和聖製暇日與兄弟同遊興慶宮作應制
漢武橫汾日周王宴鎬年何如造區夏復此睦親
賢巢鳳新成閣飛龍舊躍泉棣華歌尚在桐葉戲
仍傳禁籞氛埃隔平臺景物連聖慈良有裕王道
固無偏問俗兆人阜觀風五教宣獻圖開益地張
樂奏鈞天侍酒酌一作衢樽滿詢芻諫鼓懸永言形

友愛萬國共周旋

奉和聖製花萼樓下宴應制

萬心翹樂宴三舍緩昌時山接夏雲險臺留春日
遲節移芳未歇興隔賞仍追醉後傳嘉惠樓前舞
聖慈皇恩與時合天意若人期故發前旬雨新垂
湛露詩

奉和聖製巡省途次上黨舊宮應制

蔥鬱與王都殷憂啓聖圖周成會西土漢武幸南
都歲卜鑿輿邁農祠鴈政敷武威稜外域文教靡
中區警蹕千戈捧朝宗萬玉趨舊藩人事革新化

國容殊壁有真龍。畫庭餘鳴鳳。梧叢觴祝堯。壽會
鼎獻湯厨。陽樂寒初變。春恩蟄更蘇。三者頒命服。
五稔復田輸。君賦大風起。人歌湛露濡。從臣觀玉
葉。方願紀靈符。

奉和聖製幸鳳陽泉應制

周狩聞岐禮。秦都辨雍名。獻禽天子孝。存老聖皇
情。溫潤宜冬幸。遊畋樂歲成。湯雲出水殿。暖氣入
山營。坎意無私潔。乾心稱物平。帝歌流樂府。谿谷
也增榮。

奉和聖製渡蒲關應制

蒲坂橫臨晉華芝之曉望秦關城雄地險橋路扼天
津樓映行宮日隄含宮樹春黃雲隨寶鼎紫氣逐
真人東詠唐虞跡西觀周漢塵山河非國寶明主
愛忠臣

奉和聖製太行山中言志應制

六龍鳴玉鑿九折步雲端河絡南浮近山經北上
難羽儀映松雪戈甲帶春寒百谷晨笳動千巖曉
仗攢皇心感韶節敷藻念人安旣立省方館復建
禮神壇扈蹕叅天老承榮忝夏官長勤百年意思
見一勝殘

奉和聖製途中經華岳應制

西嶽鎮皇京中峯入太清玉鑿重嶺應緹騎薄雲
迎霽日懸高掌寒空映削成軒遊會神處漢幸望
仙情蘇詩一葵日處字舊廟青林古新碑綠字生羣
臣願封岱還駕勒鴻名

奉和聖製經河上公廟應制

河上無名老知非漢代人先探道德要留待聖明
展玄妙爲天下清虛用谷神化將和氣一風與太
初鄰靈廟觀遺像仙歌入至真皇心齊萬物何處
不同塵

奉和聖製過王濟墓應制

牛斗三分國龍驤一統年
智高寧受制風急肯迴
船有策擒吳詭無言讓
范宜援孤因勢屈功重爲
讒偏舊迹灰塵散枯墳
故老傳百代逢明主何辭
死道邊

奉和御製左丞相臣說與右丞相璟太子少
傅乾曜同日上官命宴東堂賜詩應制

大塊鎔羣品輕生偶聖時
猥承三仕命虛忝百僚
師右揆謀華碩前星傳
重資連鸞求舊禮濫玷樂
賢詩賜金同榮拜擬金
宴宰司菊花吹御酒蘭葉

捧天詞寶歷休明盛頽年畧漏衰少留青史筆未
敢赤松期

奉和聖製送王皎巡邊應制

六月歌周雅三邊遣

一作論

夏卿欲施攻戰法先作

簡稽行禮樂知謀帥春秋識用兵一勞堪定國萬
里卽長城策有和我利威傳破虜名軍前雨灑道
樓上月臨營別藻瑤華降同衣錦褰榮關山由義
近戎馬一作甲爲恩輕絲竹路傍散風雲馬上生朝
廷謂吉甫邦國望君平

奉和聖製賜崔日知往潞州應制

聖情留

一作垂

曩鎮佳氣翊興王增戟雄都府高車

轉太常川橫八練關山帶五龍長連帥初恩命天

人舊紀綱餞塗飛御藻闔境自生光明主徵循吏

何年下鳳皇

端午三殿侍宴應制探得魚字

小暑夏絃應徽音

一作微陰

商管初願齋

一作齋

長命縷

來續大恩餘三殿褰珠箔羣官上玉除助陽嘗麥

蕤順節進龜魚甘露垂天酒芝花

一作盤

捧御書含

丹同蠖蛭灰骨慕蟾蜍今日傷蛇意銜珠遂闕如

春晚侍宴麗正殿探得開字

聖政惟稽古賓門引上才坊因購書立殿爲集賢
開毫彥星辰下僊章日月迴字如龍負出韻是鳳
銜來庭柳餘春駐宮櫻早夏催嘉承芸閣宴幸奉
柏梁杯

三月二十日詔宴樂游園賦得風字

樂游形勝地表裏望郊宮北闕連雲

一作項南山

對掌中皇恩

一作情

貨芳月旬宴美成功魚芙蓉

水鶯啼楊柳風春光看欲暮天澤戀無窮長袖招
斜日留光待曲終

恩賜樂游園宴

苑佳遊地軒庭近侍臣共持榮幸日來賞豔陽
春饌玉頌王筐縱金下帝鈞池臺草色徧宮觀柳
條新花綬光連樹朱顏暢飲醇聖朝多樂事天意
每隨人

玄武門侍射

并序

開元之初季冬其望天子始御北闕朝列林軍
禮修事獻後二日乃命紫微黃門九卿六事與
熊羆之將爪牙之臣合宴焉備以純錦頌以珍
器爾其射棚新成布侯旣設梨仗林立帷軒霧
布衆官半醉皇情載悅卷珠箔臨玉除唐弓在
手夏箭斯發應弦命屢一作中屬羽連飛孤矢以
來未之有也若夫天地合道星辰獻儀端視和
容內正外直自近而制遠耀威而觀德無不通
神無不極用是射也其惟聖人乎于時繁雲覆
城大雪飛苑天人同澤上下交歡退食懷恩賦

詩頌義凡

若干篇

射觀通玄闕兵欄闕御筵雕弧月半上畫的暈重

圓羿后神幽贊靈王法暗傳貫心精四返飲羽妙

三聯雪鶴來銜箭前星麟下集弦一逢軍宴洽萬慶

武功宣

扈從幸韋嗣立山莊應制

并序 紀事云嗣立莊在驪山鸚鵡

谷中宗幸之嗣立獻食百舉及木器藤盤等物上封為逍遙公名其所居為清虛原

幽棲谷中宗留詩從臣屬和嗣立並鐫于石請張說為序薛稷書之 紀事云先一日太平公主上官昭容題詩數首故

燕公詩云舞鳳迎公主雕龍賦婕妤好

嵐氣入野榛烟出谷魚潭竹岸松齋藥晚虹泉
電射雲木虛吟恍惚疑夢問關忘術茲所謂丘

窠夔龍衣冠巢許也

寒灰飛玉瑄湯井駐金輿既得方明相還尋大隗
居懸泉珠貫下列帳錦屏舒騎遠林逾密笳繁谷
自虛門旗塹復橙殿幕裏通渠舞鳳迎公主雕龍
賦婕妤地幽天賞洽酒樂御筵初菲才叨侍從連
藻媿應徐

扈從南出雀鼠谷

玄宗東封出雀鼠谷說戲詩帝答之宋璟蘇頌等亦

皆和焉

豫動三靈贊時巡四海威陝

一作陝

關凌曙出平路

半春歸霍鎮迎雲罕

一作蓋

汾河送羽旂山南柳半

密谷北草全稀遲日宜華蓋和風入袷一作衣上
林千里近應見百花飛

赴集賢院學士上賜宴應制得輝字

侍帝金華講千齡道固稀位一作任將賢士設書共

學徒歸首命深燕隗通經淺漢章列筵榮賜食送

客愧儒衣賀燕窺簷下遷鶯入殿飛欲知朝野慶

文教日光輝

將赴朔方軍應制

禮樂逢明主韜鈴用老臣恭憑神武策遠御一作靜

鬼方人供帳榮恩餞山川喜詔巡天文日月麗一作

送朝賦管絃新幼志傳三略衰材謝六鈞
膽猶忠作屏心故道爲鄰漢保河南地胡清塞北塵
連年大軍後不日小康辰劍舞輕離別歌酣忘苦辛
從來思博望許國不謀身

洛橋北亭詔餞諸刺史

離亭拂御溝岸曲舞船樓詔餞朝廷牧符分海縣
憂股肱還入郡父母更臨州扇逐仁風轉車隨霖
一作雨流恩光水上溢榮色柳間浮預待羣方最
三公不遠求

宿直溫泉官羽林獻詩

冬狩美秦正新豐樂漢行星陳玄武閣月對羽林
營寒木羅霜仗空山響夜更恩承一作深靈液煖節
效一作勤古松貞文武皆王事輸心不爲名

聞雨

窮冬萬花匝永夜百憂攢危戍臨江火空齋入雨
寒斷猿知屢別嘶鴈覺虛彈心對爐灰死顏隨庭
樹殘舊恩懷未報傾膽鏡中看

春雨早雷

東北春風至飄飄帶雨來
鶻黃先變柳點素早驚
梅樹藹懸書閣煙含作賦臺
河魚未上凍江螿已

聞雷美人宵夢著金屏曙不開無緣一啓齒空酌
萬年杯

相州冬日早衙

城外宵鍾斂閭中曙火殘朝光曬庭雪宿凍聚池
寒正色臨廳事疑詞定筆端除青圉圉息伐枳吏
人寬河內功猶淺淮陽疾未安鏡中星髮變頓使
世情闕

溫泉馮劉二監客舍觀妓

溫泉谷寒林薄

一作暮

一作

羣游樂事多佳人蹀駿馬乘月

夜相過秀色然紅黛嬌香發綺羅鏡前鸞對舞琴

裏鳳傳歌妬寵傾新意銜恩奈老老何爲君留上客
歡笑斂雙娥

同劉給事城南宴集

英華作宋
之問詩

水竹幽居地簪纓近侍臣雍容乘暇日瀟灑出巖
塵樹對思朋鳥池深入養鱗管苾高逐人一作吹歌
舞妙含春老子叨專席歡邀隔縉紳此中情不淺
遙寄賞心人

岳州作

水國生秋草離居再及瓜山川臨洞穴風日望長
沙物土南州異關河北信賒日昏聞雀鳥地熱見

脩蛇遠人夢歸路瘦馬嘶去家正有江潭月裴徊
戀九華

巴丘春作

日出洞庭水春山掛斷霞江涔相映發卉木共紛
華湘戍南浮澗荆關北望賒湖陰窺魍魎丘勢辨
巴蛇島戶巢爲館漁人艇作家自憐心問景三歲
客長沙

岳州夜坐

炎洲苦三伏永日卧孤城賴此閑庭夜蕭條夜月
明獨歌還太息幽感見餘聲江近鶴時叫山深猿

屢鳴息心觀有欲棄知返無名五十知天命吾其
達此生

對酒行巴陵作

留侯封萬戶園令壽千金本爲成王業初山賦上
林繁榮安足恃霜露遞相尋鳥哭楚山外猿啼湘
水陰夢中城闕近天畔海雲深空對忘憂酒離憂
不去心

岳州宴姚紹之并序

姚司馬往在北臺每欽骨鯁及茲荒服偶得官
聯復有令弟美胤芬芳襲予山寺外廬幽深形
勝童冠是集
歡言賦詩

月子系...
杞梓滯江濱光華向日新
難兄金作友嬾子玉爲
人山水含秋興池亭借
善鄰簷松風送靜院竹
鳥來馴翠尊吹黃菊
瑠盤鱸紫鱗緩歌將
醉舞爲拂繡衣塵

岳州九日宴道觀西閣

搖落長年歎蹉跎遠宦
心北風嘶代馬南浦宿
陽禽佳此黃花酌酌餘
白首吟涼雲羅楚望濛
雨蔽荆岑登眺思清景
誰將春濁陰釣歌出江
霧樵唱入山林魚以嘉
名采木爲美材侵大道
由中悟逍遙匪外尋
參佐多君子詞華妙賞
音留題洞庭觀

望古意何深

喜度嶺

東漢興唐曆南河復禹謀寧知瘴癘地生入帝皇
州雷雨蘇蟲蠶春陽放鸞鳩泗浴炎海畔登降闕
山陬嶺路分中夏川源得上流見花便獨笑看草
卽忘憂自始居重譯天星已再周鄉關絕歸望親
就亦相求棄杖枯還植窮鱗涸更浮道消黃鶴去
通啓自駒留江安晨炊黍津童夜濯舟盛明良可
遇真復洛城陽作遊

却歸在道中作

陳焦心息盡死意不期生何幸光華且流人歸上
京愁將網共解眼與代俱明復是三階正還逢四
海平誰能定禮樂爲國著功成

遊洞庭湖

平湖曉望分仙嶠氣氛氤鼓柁乘清渚尋風弄白
雲江寒天一色日靜水重紋樹坐叅猿嘯沙行入
鷺羣綠源斑斑骨徑綠蘿紛洞穴傳虛應楓林
覺自薰雙童有靈藥願取獻明君

別滄湖

念別滄湖去浮舟更一臨千峯出浪險萬木抱烟

深南郡延恩渥東山戀宿心
露花香欲醉時鳥嘯
餘音涉趣皆留賞無奇不遍尋
莫言山水間幽意在鳴琴

清遠江峽山寺

流落經荒外逍遙此梵宮
雲峯吐日月石壁淡煙
虹寶塔靈仙湧懸龕造化功
一作天香滿竹氣虛
唄引松風簷牖飛花入廊房
激水通猿鳴知谷靜
魚戲辨江空靜默將何貴
惟應心境同

酬崔光祿冬日述懷贈答

并序

太極殿衆君子分司洛城自春涉秋日有遊討
既而韋公出守茲樂便廢頃因公讌方接詠言

崔光祿述志論文首貽雅唱諸公嘉德敘事成
有報章若夫盛時榮位華景勝會此四者古難
一遇而我輩比實兼之至於精言探道妙識發
義戲謔而逢規戒指諷而見師表益過三友豈
易得手謂膏澤傍潤芝蘭久襲韋公近之矣以
文會友以友輔仁崔公近之矣其餘尋聲響答
望形影赴故亦浚碧池之漣漪增瑤林之沃若
是用綴集勒成一卷永存几閣之翫無忘歡好
之時
焉

徐陳嘗並作枚馬亦同時各負當朝譽俱承明主
私夫君邁前侶觀國騁奇姿山似鳴威鳳泉如出
寶龜才雄子雲筆學廣仲舒惟紫綬拂三寺朱門
臨九達昔我含香日聯爾縉雲司朝攜蘭省步夕
還竹林期中路一分手數載來何遲求友還相得

羣英復在茲留臺少人務方駕遙尋追涉玩懷同
賞霑芳憶共持迎賓南澗飲載妓東城嬉春郊綠
畝秀秋澗白雲滋名畫披人物良書討滯疑興來
光不惜歡往迹如遺歲晏罷行樂層城間所思夜
魂燈處厭朝髮鏡前衰忽枉崔駟竹兼流韋孟詞
曲高彌寡和主善代爲師齊戒觀華玉留連歎色
絲終慙起予者何足與言詩

奉酬韋祭酒嗣立偶遊龍門北谿忽懷驪山
別業呈諸留守之作

石澗泉虛落松崖路曲迴聞君北谿下想像南山

隈近念鼎湖別遙思雲嶂陪不同奇觀往空觀斯
文來歲後寒初變春前芳未開黃蕤裊岸柳紫萼
一作折村梅盡室茲遊翫盈門幾樂哉嗟留洛陽
荅 陷夢詣建章臺野失巢由性朝非元凱才布懷欽
遠迹幽意日塵埃

奉酬韋祭酒自湯井還都經龍門北谿莊見
貽之作

聞君湯井至瀟灑憇郊林拂曙攜清賞披雲觀一作
親綠岑歡言遊覽意款曲望歸心是日期佳客同
山忽異尋桃花迂一作路轉楊柳開門深沉舟伊

水漲繫馬香樹陰繁絃弄水族嬌吹狎沙禽春滿
汀色媚景斜嵐氣侵懷仁殊未遠重德匪專臨來
藻敷幽思連詞報所欽

伯奴邊見歸田賦因投趙侍御

爾家歎窮鳥

窮鳥用趙壹賦故曰爾家

吾族賦歸田

用張衡

莫道

榮枯異同嗟世網牽黃陵浮汨渚青草會湘川去
國逾三歲茲山老二年寒鴉鳴舍下登虎卧籬前
客淚堪斑竹離憂欲贈荃放言久無次觴興感成

篇

寄許八

萬類春皆樂，徂顏獨不怡。年來人更老，花發意先衰。
乳鵲穿壇畫，巢蜂觸網絲。平生美容色，宿昔影中疑。
遠道何由夢，同心在者誰。西風欲誰語，語闕默
遂無詞。

石門別楊六欽望

燕人同竄越，萬里自相哀。影響無期會，江山此地
來。暮年傷汎梗，累日慰寒灰。潮水東南落，浮雲西
北迴。俱看石門遠，倚棹兩悲一作哉悠。

送蘇合宮頌

都邑羣方首，商泉舊俗訛。變風須愷悌，成化佇絃

歌疇昔珪璋友雍容文雅多振纓遊省闈鏘玉宰
京河別曲鸞初下行軒雉尚過百壺非餞意流詠
在人和

送趙二尚書彥昭北伐

虜地河冰合邊城備此時兵連紫塞路將舉白雲

司提劍榮中貴

一作賞

銜珠盛出師日華光

一作解

組

練風色焰

一作監

旌旗拔筆尊前起橫戈馬上辭梅

花吹別引楊柳賦新歸

一作詩

送趙頤真郎中赴安西副大都督

絕鎮功難立懸軍命匪輕復承遷

一作還

相後彌重

任賢情將起神仙地才稱禮樂英長心堪繫虜短
語足論兵日授休門法星教置陣名龍泉恩已著
一作燕領相終成月窟窮天遠河源入塞清老夫
操別翰承旨頌昇平

送宋休遠之蜀任

求友殊損益行道異窮申綴我平生氣吐贈薄遊
人結恩事明主忍愛遠辭親色麗麗成都俗膏腹蜀
水濱如何從宦子堅白共緇磷日月千齡且河山
萬族春懷鉛書瑞府橫草事邊塵不及安人吏能
令王化淳

送喬安邑備

書閣移年歲文明朋難復辭歡言冬雪滿恨別夏雲
滋外尹方爲政高明自不欺老人驂馭往童子狎
雛嬉日茂西河俗寂寥東觀期遙懷秀才令京洛
見新詩

岳州別梁六入朝

知微

遠蒞長沙渚欣逢賈誼才江山疲應接風日復晴
開江樹雲間斷湘山水上來近洲朝鷺集古戍夜
猿哀岸村含蒼棘河蒲秀紫臺月餘偏地賞心盡
故人杯自我違京洛嗟君此泝洄容華因別老交

舊與年頽夢見長安
隋朝宗實盛哉

南中送北使二首

傳聞合浦葉曾向洛陽飛
何日南風至還隨北使歸
紅顏渡嶺歇白首對秋衰
高歌何由見層堂不可違
誰憐炎海曲淚盡血沾衣

待罪居重譯窮愁暮雨秋
山臨鬼門路城繞瘴江流
人事今如此生涯尚可求
逢君入鄉縣傳我念

京周別恨歸途遠離言暮景道夷歌
翻下淚虜一作

蘆

酒未消愁聞有胡兵急
深懷漢國羞和親先是

詐款塞果爲讎釋繫應分爵
蠲徒幾復侯廉頗誠

舟較沂河頗似金堤青草馥一作長承瑤水白雲

杯

奉和聖製春日出苑應制

一作矚目應令

禁林豔裔發青陽春望逍遙出畫堂
雨洗亭臯千畝綠風吹梅李一園香
鶴飛不去隨青管魚躍翻來入綵航
睿賞歡承天保定道文更觀日重光

扈從溫泉宮獻詩

溫泉啓蟄氣氛氲涓浦歸鴻日數羣
騎仗聯聯環北極鳴笳步步引南薰
松間彩殿籠佳氣山上朱旗繞瑞雲
不知遠夢華胥國何如親奉帝堯君

三月三日詔宴定昆池官莊賦得筵字

鳳凰樓下對

一作帶

天泉鸚鵡洲中匝

一作雜

管絃舊

識平陽佳麗地今逢上巳盛明年舟將水動千尋
日暮共林橫兩岸煙不降王人觀禊飲誰令醉舞

拂賓筵

先天應令

又見玄宗集

三陽麗景早芳辰四序嘉園物候新梅花百般障
行路垂柳千條暗迴津鳥驚直為飛風葉魚躍都
由怯岸人唯願聖主南山壽何愁不賞萬年春

舞馬千秋萬歲樂府詞三首

互見辛籤樂章

金天誕聖千秋節玉醴還分萬壽觴試聽紫駟歌
樂府何如騷驥舞華岡一作連騫勢出魚龍變蹀
蹀驕生鳥獸行歲歲相傳指樹日翩翩來伴慶雲
翔

聖皇至德與天齊天馬來儀自海西腕足徐行拜
兩膝繁驕不進踏千蹄鬃鬣奮鬣時蹲踏鼓怒驤
身忽上躋更有銜杯終宴曲垂頭掉尾醉如泥
遠聽明君愛逸才玉鞭金翅引龍媒不因茲白人
間有定是飛黃天上來影弄日華相照耀噴含雲
色且徘徊莫言闕下桃花舞別有河中蘭葉開

同趙侍御巴陵早春作

江上春來早可觀巧將春物

一作色

妬餘寒水苔共

繞留鳥石花鳥爭開鬪鴨欄佩勝芳辰日漸煖然

燈美夜月初圓意隨北鴈雲飛去直待南州蕙草

殘

澧湖山寺

空山寂歷道心生虛谷迢迢野鳥聲禪室從來塵

外賞香臺豈是世中情雲間東嶺千尋一作重出樹

裏南湖一片明若使巢由知一作同此意不將蘿薜

易簪纓

幽州新歲作

去歲荆南梅似雪
今春薊北雪如海
共知人事何常定
且喜年華去復來
邊鎮戍歌連夜一作日
動京城
燎火徹明開
遙遙西向長安日
願上南山壽一杯

五言絕句

奉和聖製潼關口號應制

天德平無外
關門東復西
不將千里隔
何用一丸泥

九日進茱萸山詩五首

一作陰
行先詩

家居洛陽下舉目見嵩山刻作茱萸節情生造化
間

黃花宜汎酒青嶽好登高稽首明廷內心爲天下
勞

菊酒攜山客萸囊繫牧童路疑隨大隗心似問鴻
蒙

九日重陽數二秋萬實成時來謁軒后罷去坐蓬
瀛

晚節歡重九高山上五千醉中知遇聖夢裏見尋
仙

奉蕭令嵩酒并詩

已下三首拜左相上
官賜宴東堂酬酒作

樂奏天恩滿杯來秋興高更蒙蕭相國對席飲醇

醪

奉宇文黃門融酒

聖德重甘露天章下大風又乘黃閣賞願作黑頭

公

奉裴中書光庭酒

西掖恩華降南宮命席闌詎知雞樹後更接鳳池

歡

元朝

今歲元日

一作元日
今歲

樂不謝往年春知向來心道誰

夜人

耗磨日飲二首

耗磨傳茲日縱橫道未宜但令不忌醉翻是樂無
爲

春來半月度俗忌一朝閑不酌他鄉酒無堪對楚

山

清夜酌

秋陰士多感雨息夜無塵清樽宜明月復有平生
人

醉中作

醉後樂無極

一作無窮樂彌全

一作勝未醉時動容

皆是舞出語總成詩

欽州守歲

故歲今宵盡新年明日來
愁心隨斗柄東北望春

迴

岳州守歲二首

夜風吹醉舞庭戶對酣歌
愁逐前年少歡迎今歲

多

桃枝堪碎惡爆竹好驚眠
歌舞留今夕猶言惜舊

年

正朝摘梅

蜀地寒猶煖正朝發早梅
偏驚萬里客已復一年
來

岳州看黃葉

白首看黃葉徂顏復幾何
空慙棠樹下不見政成
歌

廣州江中作

去國歲一作年方晏愁心轉一作獨
不堪離人與一作共

江水終日向西南

江中誦經

實相歸懸解
虛心暗在通
澄江明月內
應是色已成
空

被使在蜀

卽今三伏盡
尚自在臨卬
歸途千里外
秋月定相逢

蜀道後期

客心爭日月
來往預期程
秋風不相待
先至洛陽城

江中遇黃領子劉陰

危石江中起孤雲嶺上還相逢皆得意何處是鄉關

答香能和尚塔

大師捐世去空餘法力在遠寄無礙香心隨到南海

寄劉道士鳥

真人降紫氣邀我丹田宮遠寄雙飛鳥飛飛不礙空

送梁知微渡海東

今日此相送明年此相待天上客星迴知君渡東

海

嶺南送使二首

還
獄中生白髮嶺外罷紅顏古來相送處凡得幾人

萬里投荒裔來時不見親一朝成白首看取報家

人

傷妓人董氏四首

董氏嬌嬈性多為窈窕名人隨秋月落韻入擣衣

聲

粉芷並粘粧麗金花竭

一作

翠條夜臺無戲伴竟影

向誰嬌

舊亭紅粉閣宿處白雲關春日雙飛去秋風獨不
還

舞席沾殘粉歌梁委舊塵獨傷牕裏月不見帳中
人

六言絕句

舞馬詞六首

互見辛
籤樂章

萬玉朝宗鳳辰千金率領龍媒
駉鼓凝驕蹀躞聽

歌弄影徘徊

聖代昇平樂

天鹿遙徵衛叔日龍上借羲和將
共兩駮爭舞來

隨八駿齊歌 聖代昇平樂

綵旄八佾成行時龍五色因方屈膝銜杯赴節傾

心獻壽無疆 四海和平樂

帝阜龍駒沛艾星蘭驥子權奇騰倚驟洋應節繁

驕接迹不移 四海和平樂

二聖先天合德羣靈率土可封擊石驟驪紫燕從

金領步蒼龍 四海和平樂

聖君出震應籙神馬浮河獻圖足踏天庭鼓舞心

將帝樂踟躕 四海和平樂

七言絕句

奉和聖製幸韋嗣立山莊應制

西京上相出扶陽東郊別業好池塘自非仁智符
天賞安能日月共迴光

奉和聖製同玉真公主遊寧王山池題石壁
池如明鏡月華開山學香爐雲氣來神藻飛爲鶴
鶴賦仙聲颺出鳳凰臺

奉和三日祓禊渭濱應制

青郊上巳豔陽年紫禁皇遊祓渭川幸得歡娛承
湛露心同草樹樂春天

桃花園馬上應制

林間艷色驕天馬苑裏穠華一作粧伴麗人願逐南

風飛帝席年年含笑舞青春

十五日夜御前口號踏歌詞二首互見辛 箴樂章

花萼樓前雨露新長安城裏太平人龍銜火樹千

重一作燈豔鷄踏蓮花萬歲一作春 樹

帝宮三五戲春臺行雨流風莫妬來西域燈輪千

影合東華金闕萬重開

蘇摩遮五首互見辛 箴樂章

摩遮本出海西胡琉璃寶服紫髯鬚聞道皇恩遍

宇宙來將歌舞助歡娛應歲樂

繡裝帕

一作拍

額寶花冠夷歌騎舞借人看自能激

水成陰氣不慮今年寒不寒

臆歲樂

臘月凝陰積帝臺豪

一作齊

歌急鼓送寒來油囊取

得天河水將添上壽萬年杯

臆歲樂

寒氣宜人最可憐故將寒水散庭前惟願聖君無

限壽長取新年續舊年

臆歲樂

昭成皇后帝之

一作

家親榮樂諸人不比論往日霜

前花委地今年雪後樹逢春

臆歲樂

說本傳云

潑寒胡戲中宗嘗御樓以觀之至是因蕃夷人朝

又作此戲說上疏諫云潑寒胡戲隊體跳足盛德

何觀揮水投泥失容斯甚法殊魯禮棄比齊優恐

非下羽柔遠之義樽俎折衝之禮自是此戲乃絕

卷七十二

十

三

乙

不知何緣
更獻此詞

襄陽路逢寒食

去年寒食洞庭波今年寒食襄陽路不辭着處尋
山水祇畏還家落春暮

三月三日定昆池舟中奉和蕭令得潭字韻
暮春三月日重三春水桃花滿襖潭廣樂逶迤天
上下仙舟搖衍鏡中酣

和尹從事恣汎洞庭

平湖一望上連天林景千尋下洞泉忽驚水上光
華滿疑是乘舟到日邊

同趙侍御望歸舟

山亭迴迴面長川
江樹重重極遠煙
形影相追高
翳鳥心腸併斷北風船

送梁六自洞庭山作

梁知微

巴陵一望洞庭秋
日見孤峯水上浮
聞道神仙不可接
心隨湖水共悠悠

附咏方圓動靜示李泌

詳見泌集

方如碁局圓如碁子
動如碁生靜如碁死

卷終

乙籤八十四

唐音統籤卷七十三

蘇頲字廷碩，壞之子，幼敏悟，一覽千言，覆誦舉進士，歷監察御史，神龍中遷給事中，修文館學士，中書舍人。開元初，由工部侍郎累進紫微侍郎，知政事，獻可替否，決吏事，至公無私人，謂相業過其父。後罷為益州長史，復入知吏部選事，卒謚文憲。頲襲父爵，稱小許公，與燕公張說同以文章顯時，號

燕許大手筆詩二卷

頲集唐書本傳及藝文志失收宋藝文志載頲集三十卷

外集二卷，是公武讀書志云：集本四十六卷，今亡其半。本傳玄宗平內難，書詔填委，頲口為占授書史，白曰：「馬公徐之不然，手腕脫矣。」中書令李嶠曰：「舍人思若湧泉，吾所不及。」玄宗愛其文，嘗曰：「前

朝有李嶠蘇味道號蘇李今朕得李又及顏何愧
前人徐獻忠曰許公天命英標夙年妙悟遭時
豐豫大啓菁華凡宴賞覽游靡不應制雖君臣道
合儕輩同聲足以成其令節而祥麟威鳳世所罕
覩盛時氣候亦可想見之爾或曰綺麗大勝音節
太緩許公安得而辭焉予解之曰詩有六義頌聲
獨揚非渾厚不足以莊其體非藻麗不足以華其
節視之鬱積感思之言其尚異矣識者謂許公有
宮調其殆此乎

五言古詩

奉和聖製過晉陽宮應制

隋運與天絕生靈厭氛昏聖期在寧亂士馬興太
原立極萬邦推登庸四海尊慶膺神武帝業付皇
曾孫緬慕封唐道追惟歸沛寬詔書感先義典禮

巡舊藩高殿綵雲合春旗祥風翻率西見汾水奔

北空

一作窺

寒垣款曲童兒佐依遲故老言里頌慈

惠賞家受復除恩下輦崇三教

一作都

建碑當九

門孝思教

一作昭

至美億載奉開元

奉和聖製登蒲州道遙樓應制

在昔堯舜禹遺塵成典謨聖皇東巡狩况乃經此

鄴樓觀紛迤邐河山幾縈紆細懷祖宗業相繼文

武岡尚

一作情

德既無險觀風諒有孚豈如汾水上

簫鼓事游娛

奉和聖製行次成臯途經先聖擒建德之所

感而成詩應制

漢東不執象河朔方闕龍夏滅漸寧亂唐興終奮
庸皇威正赫赫兵氣何匆匆用武三川震歸淳六
代醞成臯觀王業天下致人雍卽此巡于岱曾孫
受命封

小園納涼卽事

煩暑者避蒸鬱居閑習高明長風自遠來層閣有餘
清散灑納涼氣蕭條遺世情奈何誇大隱終日繫
塵纓

曉濟膠川南入密界

飲馬膠川上，傷膠南。趣密林遙飛，鳥遲雲去晴。山
出落暉隱，桑柘秋原。一作深秋被花實，慘然遊子寒。風
露將蕭瑟。

夜發三泉卽事

暗發三泉山，窮秋聽騷屑。北林夜鳴雨，南望曉成
雪。祗詠北風涼，詎知南土熱。沙谿忽沸涓，石道乍
明滅。宛若銀磧橫，復如瑤臺結。指程賦一作則所戀

邁虞不邁歎，重纏濡莫解。懸旌凍猶揭，下奔泥棧
楛。上觀雲梯設，搏頰羸馬頓。回眸憐人跌，憧憧往
復還。心注思逾切，冉冉年將病。力困衰息竭，天彭

信方偶地勢誠斗絕忝曳尚書履叨兼使臣節京
坻有歲饒亭障無邊孽歸奏丹墀左蹇能俟來哲
昆明池宴坐答王兵部珣三韻見示
畫舸疾如飛遙遙汎夕暉石鯨吹浪隱玉女步塵
蹄獨有銜恩處明珠在釣磯

奉和姚令公溫湯舊館永懷故人盧公之作
樹德豈孤邁降神良並出偉茲廊廟楨調彼鹽梅
實正悅虞垂舉翻悲鄭僑卒同心不可忘交臂何
爲失清路荷前幸明時稱右弼曾聯野外遊一作迷
尚記帷中密新慟情莫遣舊遊詞更述空令還和

辱長歎

一作感

知音日

和杜主簿春日有所思

朝上高樓上俯見洛陽陌
搖蕩吹花風落英紛已
積美人不共此芳好空所惜
攬鏡塵網滋當應蒼
薛碧緬懷在雲漢良願
睽枕席翻似無見時如何
久爲客

餞郢州李使君

楚有章華臺遙遙雲夢澤
復聞擁符傳及是收圖
籍佳政在離人能聲寄侯伯
離懷朔風起試望秋
陰積中路悽以寒羣山
靄將夕傷心聊把袂
怳悵

一作棋麟客
帳望

餞唐州高使君赴任

永日奏文

一作對

時東風搖蕩夕浩然思樂事翻復

餞征客淮水春流清楚山暮雲白勿言行路遠所
貴專城伯

蜀城哭台州樂安少府

遠遊躋劍閣長想屬天台萬里隔三載此邦余重
來音容曠不覩夢寐殊悠哉邊郡饒藉藉晚庭正
回回喜傳上都封因促傷吏開向悟海鹽客已而
梁木摧變衣寢門外揮涕少城隈却記分明得猶

持委曲猜師儒昔訓獎仲季時童孩服義題一作

書篋邀歡汎酒杯暫令風雨散仍迫歲時迴其道

惟正直其人信美偲白頭還作尉黃綬固非才可

歎懸蛇疾先貽問鵬矣故鄉閉窮壤宿草生寒茆

零落九原去蹉跎四序催曩期冬贈橘今哭夏成

梅執禮誰為贈居常不徇財北登嶼嶮坂東望姑

蘇臺天路本懸絕江波復一作空一作浙潮念孤心易斷

追往恨艱裁不遂卿將伯執云陳與雷雷吾最亦如

此天子復何哀

七言古詩

奉和聖製春臺望應制

壯麗天之府神明王者宅大君乘飛龍登彼復懷
昔日圓闕朱光焰橫山翠微積河汧流作表縣聚開
成陌卽舊在皇家維新具物華雲連所上居恒屬
日更時中望不斜三月滄池搖積水萬年青樹綴
新花鼻嬴國此嘗圖霸業後仁先以許東破諸
侯西入秦咸陽北阪南渭津詩書焚熱散學士高
閣奢踰嬌美人事往覆輪經遠喻春還按躡悲高
賦戎觀愛力深惟省越厭陳方何足務清吹遙遙
發帝臺宸文耿耿照天廻伯夷位事愚臣忝喜奏

聲成鳳鳥來

長相思

君不見天津橋下東流水南望龍門北朝市楊柳
青青宛地垂桃紅李白花參差花參差柳堪結此
時憶君心斷絕

五言律詩

立春日侍宴內出剪綵花應制

曉入宜春苑穠芳吐禁中剪刀因裂素妝粉爲開
綵異驚流雪香饒點便風裁成識天意萬物與
花同

春日芙蓉園侍宴應制

御道紅

一作虹

旗出芳園翠輦遊繞花開水殿架竹

起山樓荷芰輕薰幄魚龍出負舟寧如穆天子空

賦白雲秋

奉和聖製人日清暉閣宴羣臣遇雪應制

樓觀空煙裏初年瑞雪過苑花齊玉樹池水作銀
河七日祥圖啓千春御賞多輕飛傳綵勝天上奉

薰歌

奉和七夕宴兩儀殿應制

靈媛乘秋發仙裝警夜催月光窺欲渡河色泮應

來機石天文寫針樓御賞開竊觀棲鳥至疑向鵲
橋廻

奉和九日幸臨涓亭登高應制

得時字

嘉會宜長日高筵順動時曉光雲外洗晴色雨餘
滋降鶴因韶德吹花入御詞願陪陽數節億萬九

秋期

奉和聖製九日侍宴應制

此篇見歲時雜詠前篇見類集入文

苑英華周必大云此篇當是初稿也

并數登高日延齡命賞時宸遊天上轉秋物雨來
滋降鶴承仙馭吹花入睿詞微臣復何幸長得奉

恩私

奉和聖製登驪山高頂寓目應制

僊蹕御層氛高高積翠分巖聲中谷應天語半空
間豐樹連黃葉函關入紫雲聖圖恢寓縣歌賦小
一作橫汾

遊禁苑幸臨涓亭遇雪應制

平明敞帝居霰雪下凌虛寫月含珠綴從風薄綺
疏年驚花絮早春應管絃初已屬雲天外欣承霈
澤餘

幸白鹿觀應制

碧石虛清吹下藹藹入仙宮松磴攀雲絕花源接澗
空受符邀羽使傳訣駐香童詎似閑居日徒聞有
順風

奉和送金城公主適西蕃應制

帝女出天津和戎轉屬一作綺輪川經斷腸望地與

祈支鄰奏曲風嘶馬銜悲月伴人旋知偃兵革長
是漢家親

秋社日崇讓園宴

得新字

鳴爵三農稔勾龍百代神運昌叨輔弼時泰喜黎
民樹缺池光近雲開日影新生全應有地長願樂

月
交親

題壽安王主簿池館

洛邑通馳道韓郊在屬城館將花雨映潭與竹聲
清賢俊鸞栖棘賓遊馬佩衡願言隨狎鳥從此濯
吾纓

邊秋薄暮

一作
出塞

海外秋鷹擊霜前旅鴈歸邊風思鞞鼓落日慘旌
麾浦曠漁舟入川長獵騎稀客悲逢薄暮况乃事
戎機

興州出行

危途曉未分，驅馬傍江濱。
滴滴泣花露，微微出岫雲。
松梢半吐月，蘿翳漸移曛。
旅客腸應斷，吟猿更使聞。

曉發方巖驛

傳置遠山蹊，龍鐘蹴澗泥。
片陰常作雨，微照已生霓。
鬢髮愁氛換，心情險路迷。
方知向蜀老，偏識子

經三泉路作

三月松作花，春行日漸賒。
竹障一作妨山鳥路，藤蔓

一作野人家，透石飛梁下。
尋雲絕磴斜，此中誰與

樂揮涕語年華

武檐山寺

武檐獨蒼然墳山下玉泉鼈靈

一作時共盡龍女

事同遷松栢銜哀處幡花種福田詎知留鏡石長

與法輪圓

扈從溫泉奉和姚令公喜雪

清道豐人望乘時漢主遊恩暉隨霰下慶澤與雲

浮泉煖驚銀磧花寒愛

一作玉樓鼎臣今有問河

伯且應留

奉和魏僕射秋日還鄉有懷之作

南宮夙拜罷東道晝遊初飲餞傾冠蓋傳呼闕里
闕樹悲懸劍所谿想釣璜餘明發輝光至增榮一作
聲駟馬車

送吏部李侍郎東歸

得歸字

陌上有光輝披雲向洛畿賞來榮扈從別至惜分
飛泉溜含風急山煙帶日微茂曹今去矣人物喜
東歸

送光祿姚卿還都

漢室有英台荀家寵俊

一作多寵

才九卿朝已入三子

暮同來不授綸爲草還司鼎用梅兩京王者宅駟

馬日應迴

送常侍舒公歸覲

朝聞講藝餘晨省拜恩初
訓胄尊庠序策親耀里閭
朱丹華轂送班白綺筵舒
江上春流滿還應薦躍魚

送賈起居奉使人洛取圖書因便拜覲

舊國才因地當朝史命官
遺文徵闕簡還思采芳蘭
傳發關門候觴稱邑里歡
早持京副入旋佇洛書刊

餞潞州陸長史再守汾州

河尹政成暮爲汾昔所推不榮三入地還美再臨
時擁傳雲初合聞鶯日正遲道傍傍一作人多山餞別
有吏民思

餞荊州崔司馬

茂禮雕龍昔香名展驥初水連南海漲星拱北辰
星稍發仙人履將題別駕與明年徵拜入荆玉不
藏諸

春晚送瑕丘田少府還任因寄洛中鏡上人
聞道還沂上因聲寄洛濱別時花欲盡歸處酒應
春聚散同行客悲歡屬故人少年遊樂地遙贈一

落巾

故高安大長公主挽詞

彤管承師訓青圭備禮容
孟孫家代寵元女國朝
封柔軌題貞順閑規賦
肅雍寧知落照盡霜吹入
悲松

贈司徒豆盧府君挽詞

寵贈追胡廣親臨比賀循
幾聞拔劍客多會服總
人草閉墳將古松陰一作深
地不春二陵猶可望存
歿有忠臣

故右散騎常侍舒國公褚公挽詞

陽翟疏豐構臨平演慶源學筵尊授几儒服寵乘
軒審諭留中密開陳與上言徂暉一不借空有賜
東園

卷終